

**/մաքսային կանոնների խախտման վերաբերյալ
գործի վարույթը կարճելու վերաբերյալ/**

«28» ապրիլի 2021թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Հայկ Միրզոյանս, քննելով ԻԻՀ քաղաքացի Կարիմ Պուր Ֆատուլլաի /անձնագիրը՝ M34989202/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

ԻԻՀ քաղաքացի Կարիմ Պուր Ֆատուլլաին «Բաջո-17» ՍՊԸ-ի անվամբ 22.12.2018 թվականի թիվ 05100041/221218/0023953 տարանցման հայտարարագրով ՀՀ է ներմուծել 22,590 կգ քաշով բազմապրոպիլեն, պոլիպրոպիլենի հումք հատիկավոր՝ առաջնային: Վերոնշյալ ապրանքով բեռնված VOLVO մակնիշի, 40A335-10/40A336-10 պետհամարանիշի տրանսպորտային միջոցը սահմանված ժամկետում՝ մինչև 01.01.2019 թվականը, չի ներկայացվել նշանակման մաքսային մարմին:

Նշված փաստի առթիվ ՀՀ ՊԵԿ Հարավային մաքսատուն-վարչության ավագ մաքսային տեսուչ-իրավաբանի կողմից 25.03.2021 թվականին ԻԻՀ քաղաքացի Կարիմ Պուր Ֆատուլլաի նկատմամբ հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 195-րդ հոդվածի հատկանիշներով, այն է՝ Հայաստանի Հանրապետության մեկ մաքսային մարմնից - մյուս մաքսային մարմնի մաքսային հսկողության ներքո գտնվող **ապրանքները** կամ տրանսպորտային միջոցները և ուղեկցող փաստաթղթերը **սահմանված ժամկետում չհասցնելը**:

Վարչական վարույթի ընթացքում ձեռք բերված նյութերի ուսումնասիրության արդյունքում պարզվել է, որ «Բաջո-17» ՍՊԸ-ի անվամբ Արարատյան մաքսատուն-վարչությունում լրացվել է թիվ 05100010/241218/0087331 ապրանքների հայտարարագիրը, որի 44-րդ սյունակում թիվ 05100041/221218/00023953 տարանցման հայտարարագրի փոխարեն նշվել է թիվ 05100041/221218/00023952 տարանցման հայտարարագիրը: Թիվ 05100041/221218/00023953 տարանցման հայտարարագրի կից փաստաթղթերի

ուսումնասիրությունից պարզվել է, որ վերոնշյալ տարանցման հայտարարագրով ՀՀ ներմուծված ապրանքը և ապրանքի քաշը համապատասխանում են թիվ 05100010/241218/0087331 ապրանքների հայտարարագրով հայտարարագրված ապրանքին քաշին, ինչպես նաև համապատասխանում է տրանսպորտային միջոցի տվյալները:

Վարչական վարույթի շրջանակներում 27.04.2021 թվականին թիվ Ն/23.1/69650-2021 գրությամբ հարցում է կատարվել է ՀՀ ՊԵԿ Ներքին անվտանգության վարչություն՝ Կարիմ Պուր Ֆատուլլաիի սահմանահատումների պատմությունը ստանալու նպատակով:

28.04.2021 թվականի թիվ Ն/2-3/70565-2021 գրությամբ ՀՀ ՊԵԿ Ներքին անվտանգության վարչությունը տրամադրել է Կարիմ Պուր Ֆատուլլաիի սահմանահատումների պատմությունը, համաձայն որի 22.12.2018 թվականին ժամը 01:52-ին VOLVO մակնիշի, 40A335-10 պետհամարանիշի բեռնատար տրանսպորտային միջոցով Մեղրիի մաքսային կետ-բաժնով մուտք է գործել ՀՀ, իսկ 25.12.2018 թվականին ժամը 17:19-ին Մեղրիի մաքսային կետ-բաժնով VOLVO մակնիշի, 40A335-10 պետհամարանիշի բեռնատար տրանսպորտային միջոցով անցել է ԻԻՀ:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սոյն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Վերլուծելով վերոգրյալն ակնհայտ է դառնում, որ փոխադրողն իր պարտականությունները կատարել է պատշաճ, հետևաբար ԻԻՀ քաղաքացի Կարիմ Պուր Ֆատուլլաիի արարքում բացակայում է ՀՀ Մաքսային օրենսգրքի 195-րդ հոդվածով նախատեսված իրավախախտման դեպքը:

Ելնելով վերոգրյալից և ղեկավարվելով ՀՀ մաքսային օրենսգրքի 208-րդ հոդվածի և Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին կետով՝

ՈՐՈՇԵՑԻ

1. ԻԻՀ քաղաքացի Կարիմ Պուր Ֆատուլլաի նկատմամբ մաքսային կանոնների խախտման վերաբերյալ գործի նկատմամբ վարչական գործի վարույթը կարճել՝ իրավախախտման դեպքի բացակայության պատճառաբանությամբ:
2. Որոշման մասին հայտնել ՀՀ քաղաքացի Կարիմ Պուր Ֆատուլլաի:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐԶՈՅԱՆ